



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

IV. *Hydatidum ingenti copiâ in Abdomine repertorum Historia. Communicavit cum Societate Regiâ Johannes Thorpe, M. D. S. R. S.*

**R** Hedarius Excell. S. D. Baronis de Penterrider, ætatis 58 annorum, Temperamenti sic dicti Cholericæ Phlegmatici, Staturæ quadratæ, non obesus sed robustus, bene appetens, officio suo bene fungens, nec vino, nec liquoribus spirituosus immoderatè utens, bono fati Regimine vivens præterito Augusti Mense auxilium meum petiit, pro Abdomine fortiter tumente & tenso, Ascitico minimè absimili, urinâ attramen bonæ notæ & in quantitate sufficiente optimè prodeunte, pedum nullo œdemate comparente, Respiratione liberimè procedente, ventre autem in dies crescente (qui Mense Junio tumere incepit) sanguine in vasis hæmorrhoidalibus stagnante, nodos ibidem magnos elevante & interdum dolorificè furente, Appetitu ac Viribus nunquam prostratis.

Fateor Ænigma mihi fuisse an Tumor sit siccus humidusne? Ad satisfaciendum verò Indicationibus, in specie hæmorrhoidibus suppressis, medicamenta chalybeata cum Purgantibus mixta exhibui, per quæ fluxus hæmorrhoidum mox excitatus, dolores sedari, & magna sordium quantitas cum aliquali levamine per tubulum intestinale fuit eliminata. Postea ad exemplum Etmulleri in hydrope sicco, Nitr. præparat. quotidie ad unc. ss. item Mercurium vitæ & omnis generis Diuretica mitiora, fortiora, &c. omnia incassum dedi.

Abhinc Patiens sub sanitatis recuperandæ spe, pro more Vulgi auxilium Empiricorum imploravit, qui statim

rim Aureos ipsi montes promiserunt, multisque saginatum Arcanis miserum in malis deferuerunt.

Abdomine igitur mole suâ maximè urgente, ad Paracentesin sine morâ progrediendum erat; quam die 14 Januar. Chirurgus Expertiss. D. *Anel.* unanimi nostro consensu Patienti administravit; contenta verò consistentiam gelatinosam nacta per angustius Cannulæ immissæ spatium exire non poterant. Incisio ergo cum Lancetta facienda erat; quâ factâ, materia gelatinosa coloris grisei & lutei, albumine ovorum spissior, cum magna quantitate globulorum alborum sphaëricorum, triangularium, vermicularium, gemellorum, testiculi- & ovarii-formium, &c. magnitudinem nucis avellanæ adæquantium primo die ad mensuras sex evacuata erat, ægro quantum ad vires optimè se habente. Postero die, cum facile judicare licebat, factam incisionem non satis esse amplam pro exitu majoribus hujus naturæ globulis concedendo, Lancettâ igitur vulnus ampliabatur, per quod globuli ovum Columbinum magnitudine superantes magno numero cum sex iterum gelatinæ mensuris, & magno frusto massæ cujusdam albæ portionem omenti referentis, de novo excreti erant. Cui Massæ plures dictorum globulorum filamentis fibrosis adhærescebant.

In examinatione materialium, gelatina super carbonum ignem indurefcit & albescit, pelliculâ desuper se formante.

Spiritu Vitrioli, Spir. Sal. Ammon. vol. Ol. Tart. per deliqu. Spir. Vin. rectific. Aceto affusis, manifesti nihil videtur, quàm levis induratio materiæ ab uno quoque istorum liquorum, etsi naturâ inter se invicem contrariorum.

Globuli coloris sunt albissimi, sensui tactûs resistentes; rupti liquorem album chylo similem fundunt, membranâ seu pelliculâ manifestâ cincti.

Massa

Massa ista albicans quæ portionem omenti refert, etsi crassitie pollicem adæquet, substantiam purè membranaceam habet

Numerus globulorum majorum & minorum ad septem vel octo millia se extendit.

Hodie qui est inclusivè decimus sextus ab operatione dies, æger quàm optimè se habet, venter est mollis, planus, vulnus pulcherrimum, urina, pulsus, respiratio bona, consequenter nulla febris, somnus tranquillus. Evacuatio materiæ gelatinosæ durantibus 13 diebus fuit copiosa, inodora, nunc purè serosa & parca, sed fortem odorem spirans, immissumque Catheterem argenteum nigricans, quod corporibus heterogeneis corruptis magis quàm vilceribus gangrænâ prehenfis attribuimus, quoniam febris abest. Hodie post injectionem Decocti ex Enula Campan. Agrimon. & Mell. cum Tinctur. Aloes. Myrrh. & Balsam. du Commandeur, rupti pellicula globuli fuit excreta, quem in statu suo naturali ovum galinaceum mole adæquâsse, fortassis superâsse, certum est.

Appetitus & vires nunc sunt quæ nobis faceßunt. Medicamenta porrigo Traumatica, Alexiteria & Confortantia invicem combinata juxta victum Analepticum. *Φαίνομενον* notatu dignum examini versatiorum in arte amicè discutiendum traditur, & ut animi sui sensa nobiscum communicare haud graventur, obnixè rogatur. Dabam Parisiis d. IV. Calend. Januar. M DCC XXII.

Barchol. Anhorn, ab Hartuifs.